



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 127. Legatio Borgiæ Cardinalis in Hispaniam

[urn:nbn:de:hbz:466:1-66459](#)

Turicum, præter quasdam Epistolas partim typis excusas, partim nondum in lucem editas. Optabilis sane esset labor, si omnia hujus Cardinalis opera in unum volumen collecta publici fierent.

§. CXXVII.

Legatio Borgiae Cardinalis in Hispaniam.

Interea Borgias Cardinalis S. R. E. Cancellarius patria Valentinas ejusdem que civitatis Episcopus, in Hispaniam destinatus est Legatus, iisdem instructus mandatis, quæ Aquilejensi pro Germania, & Beslarioni pro Galliis nuper dabantur. Die vigesima Junii Valentiam appulsus, omni officiorum genere, atque ingenti lætitiae significatione excipiebatur; paucos vero dies ibidem diversatus, Tarragonam contendit, ut cum Ferdinandῳ Siciliæ Rege consilia conferret. Ea occasione diploma dispensationis Apostolicæ in connubio Regis cum Isabella Infante Regi porrexit, illudque Archiepiscopo Toletano summi Pontificis jussu promulgandum tradidit. Inde Barcino-nem delatus, Arragoniæ Regem, qui hujus urbis obsidioni intentus erat, adiit; dedita autem Barcinonensi civitate Borgias in Castellæ Regnum concessit, ubi

Hist. Eccles. Tom. XXIX. D d Ma-

Sæcul. XV. Madriti ingenti pompa receptus est, orationemque ad Clerum Ecclesiæ suæ habuit a Cardinale Papiensi elucubratam, A C. 1472. cum forte Borgias minus ad id aptus esset. Ast ægre admodum obtinuit subdium pro bello Turcico: in componendis quoque Castellæ dissidiis, licet omne studium adhibuisset, nihilominus parum profecit, eoquod Prælati Ferdinandum Aragoniæ Regem, quem Henricus Rex obnuptias Isabellæ sororis suæ se invito contractas persequebatur, summa animi propensione foverent. Testantur quoque Auctores, eundem Legatum cum Rege Aragoniæ, necnon cum Eduardi Angliæ Regis, & Caroli Burgundiæ Duci Oratoribus, qui opportune Castellæ aderant, non solum de rationibus belli sacri tractasse, sed etiam de foedere contra Ludovicum XI. Galliarum Regem egisse: id tamen in mandatis habuisse haud constat: hinc conjicimus, Borgiam jam tunc in animo suo fovisse, quæ postea factus Papa sub nomine Alexandri VI. apertius contra Gallos moliebatur. Denique his ita præclare gestis, Romam reverlus est. Rex vero Castellæ adeo in eum ira commotus permanxit, ut paulo post ad Sedem Apostolicam Oratorem destinaret, qui de injuriis sibi a Legato illatis expostularet, ac quereretur.

§. CXXVIII.